

Ilaqtariinnermut Peqqittsutsimullu Naalackersuisoq
Landsstyremedlem for Familie og Sundhed



Inatsisartunut Ilaasortaq
Agathe Fontain
Inuit Ataqaigiit

§ 36, stk. 1 malillugu apequteqaat pillugu: MIPI pillugu suleqasigiissitaliap tunngavissiaa qanga naalackersuisumut tunniunneqarpa?

12.11.2008
J.nr.01/25 2008

MIPI-ip inissisimanissaanut tunngatillugu Aningaasaqarnermut Naalackersuisoqarfiup naliliinermini aningaasatigut kisitsisit tunngavissiami atorsimasani periaatsit sunik tunngaveqarluni nassaarisimavai?

Postboks 260
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

Allakkatigut 29. oktober 2008-meersutigut, Inatsisartunut ilaasortaq Agathe Fontain Inatsisartut suleriaasianni § 36, imm. 1 tunngavigalugu makkuningga apequteqaateqarpoq:

MIPI pillugu suleqasigiissitaliap tunngavissiaa qanga naalackersuisumut tunniunneqarpa??

Suleqatigiissitap oqallisissiaa 5. September 2008-imi naammassillugu suliarineqarpoq. Tamatuma kingorna nutsigassanngorlugu kukkunerisugassanngorlugulu nassiuunneqarpoq. Suleqatigiissitap oqaallisissiaata oqallisiginissaa pillugu taamanikkut Naalackersuisunut ilassortaq Arkalo Abelsen isumaqatigiissuteqarfigineqarpoq ataatsimeeqatigiittoqassasoq septemberip naalernerani. Suliassat nukingersut allat pissutigalugit ataatsimiinnissaq kinguartinneqarpoq. Tamatuma kingorna suleqatigiissitap oqallisissiaa Aningaasaqarnermut Naalackersuisoqarfimmut tusarniaassutigineqarpoq.

Ilaqtariinnermut Peqqissutsimullu Naalackersuisoqarfik 2008-imi Ukiakkut Ataatsimiinnermi immikkoortunik 36-inik oqaluuserititassaqarpoq taamaattumillu piffissaliussat eqquutsikkumallugit immikkoortut tulleriaarlugit suliarisariaqarlugit.

MIPI-ip inissisimanissaanut tunngatillugu Aningaasaqarnermut Naalackersuisoqarfiup naliliinermini aningaasatigut kisitsisit tunngavissiami atorsimasani periaatsit sunik tunngaveqarluni nassaarisimavai?

Akissuteqarnissamut atugassatut Aningaasaqarnermut Naalackersuisoqarfiup paasissutissat makku tunniuppai.

MIPI'p siunissaa pillugu suleqatigiissitap naliliinissaanut tunngatillugu Aningaasaqarnermut Naalackersuisoqarfiup aningaasatigut kisitsisinut naliliinermi tunngavissatut suut atorsimanerai apeqqutigineqarpoq. Tassunga tunngatillugu Ilaqutariinnermut Peqqissutsimullu Naalackersuisoqarfimmut suleqatigiissitap sukkulluunniit siunnersuummini allaffissornikkut aningaasatigullu kingunerisassai nalunaarusiorfigisimanngikkai oqaatigineqarpoq.

Suliassani Aningaasaqarnermut Nunanullu Allanut Naalackersuisoqarfimmi suliassani allani tamani nalilersueriaatsit atorneqartartut aamma suliame matumani atorneqarsimasut oqaatigineqartariaqarpoq. Tassunga tunngatillugu pingaaruteqarpoq Naalackersuisoqarfiit siunnersuummik saqqummiussisut namminneq akisussaaffigimmassuk siunnersuummi allaffissornikkut aningaasatigullu kingunerisassat misissoqqissaarneqarnissaat allaaserinissaallu erseqqissassallugu. Taamaattumik ANAN-ip suliassaraa Naalackersuisoqarfiup suliassamik pilersitsisup toqqaannartumik toqqaannanngikkaluartumilluunniit allaffissornikkut aningaasatigullu kingunerisassaanik misissuilluarnissap allaaserinninnissalu qulakkeerneqarnissaat, taamaalilluni Naalackersuisut Inatsisartullu kingunerisassaanik erseqqissumik tamakkiisumillu ilisimasaqalersinnaaqullugit, siunnersuutit naammassillugit suliarineqarnissaat salliutinneqassappata.

ANAN-ip paasivaa, suleqatigiissitamit nalunaarusiaq sukkulluunniit allaffissornikkut aningaasatigullu kingunerisassanik nassuiaatitaqanngitsoq, naak nalunaarummi erseqqissumik atuarneqarsinnaagaluartoq, Namminersornerullutik Oqartussat aningaasartuutaat amerleriarumaartut suleqatigiissitap siunnersuutai akuersissutigineqassappata. Siunnersuut piviusunngussappat Namminersornerullutik Oqartussat aningaasartuutaat amerleriarnissaannik Naalackersuisut Inatsisartullu ilisimatiinnarneqarsinnaanngillat. Erseqqissumik nalunaarusiorneq siunnersuutip aningaasartuutissatigut nalilersorneqarnissaanut periarfissaqarnissamut aammalu landskarsip ataatsimut aningaasaqarnerata tunngaviatigut suliassaqaarfiillu tamaasa isigalugit nalilersuineq naapertorlugu tulleriarinnermut atorneqaqqissaq, soorlumi aamma taamatut allasimasoqareersoq missingersuusiornermi inatsimmi 1999-meersumi.

Aammattaaq suleqatigiissitap siunnersuumminut aningaasalersuinissamik takussutissalorsimanngilaq. Naalackersuisoqarfiup iluani allaffissornerup ilaa annertusiniarlugu suliniuteqaleraanni, taava aamma Naalackersuisoqarfigisap iluani suliassaqaarfinni allani suliniutinik annikillisaasinnaanissamut

periarfissaqartariaqarpoq. Taamaasiortoqarsinnaanngippat toqqaannartumik oqaatigineqarsimasariaqaralarpoq taamaaliornissap naliliiffigineqarnissaa periarfissaasimanngitsoq.

Peqatigisaanik ANAN isumaqarpoq emumanarluinnartuusoq suleqatigiissitaq sulisumut pivusorsortutut isigineqarsinnaanngitsumut akissarsialiisimammat, aammalu suliassaqarfiup iluani suliat annertusineqarnissaannut siunnersuummut tunngatillugu aningaasartuutaasunik allaaserisaqarsimannginnera.

Suliami periutsit inatsisini najoqqutassiat tassunga tunngassuteqartuni aalajangersakkaniittut il.il. ANAN-imit atornerqarput.

Inussiarnersumik inuulluaqqusillunga

Naja Petersen